



913633
1232
20

登記號 76373
38年2月17日

瓊州府志卷之七

人物志十三
漢 唐 元 明 國朝

漢

初孃珠崖令女年十三珠崖多珠繼母連爲繫臂
令卒妻女還漢法珠入關者死繼母棄之其子
九歲收置奩中關吏索得珠曰誰當坐者女意
母所置遂進曰母解棄妾惜而置之奩中母不
知也妾當坐母爭曰此珠妾繫臂也妾不忍棄
何與於女妾當坐皆痛哭哀動路人吏亦垂淚
曰母子若此何忍加罪已而知九歲子所內遂
釋之

瓊州府志
卷之七
人物
列女

唐

王英符鳳妻亡其姓寶祐間鳳以罪徙儋州至南海爲獠賊所殺脅王英私之英給曰一婦人安足事衆男子請推一長者賊以爲信乃請更衣有頃盛服立舟上罵曰受賊辱不如死遂沉於海

元

瓊山縣

唐五妹伯壽女至正甲辰陳子期寇乾寧郡與從妹俱被執至舟中躡其妹曰我必不免於辱縱還何顏立世汝小尙可求生也乃給賊曰

妾家破親亡將何之乞解縛當相從賊然之卽
投江而死時年十八從妹以幼得歸

蔡九孃千戶克憲女有姿色解書義多勇畧年十

一喪父擇配越三十不嫁

雞肋集云父亡弟幼不欲以蔡土屬之他

人故親統父兵俟弟之壯不肯適人

元末寇亂統父兵保障鄉里

未幾陳子珦陷乾寧郡邑九孃固守不下日久

力竭泣謝鄉人曰賊帥新得郡城不守而來爲

我也我死則禍息矣乃投入鋪錦巖避焉子珦

怒縱火巖口熏之死巖中其妹適王和年二十

二而孀爲賊邱田所獲欲犯之不屈亦自縊死

李氏教授林君用子婦年二十五孀守泰定間憲

副阿剌公聞於省部表其門憲副楊伯徵贈以詩云丹心已化望夫石血指猶存織女機

文昌縣

林氏陳道安妻年三十至正甲午陳子瑚亂道安陷賊中與脅從人吳真慶密謀圖賊真慶泄其謀賊執道安殺之林潛往負屍瘞焉旣畢咽土而死鄉人高其義葬於墳側

韓氏二女父良可長年十八次年十六陳子瑚亂母兄皆遇害二女潛奔草莽中至江側長願妹訣曰家旣被寇來且逼汝能遁聽所往吾其死矣次泣曰兄旣亡惟姊是依姊死余將焉往

乃攜手同溺於江蔡微爲之傳贊王佐有詩咏之

明

瓊山縣

胡氏江南華亭人夫高文貴爲海南衛右所吏胡從焉洪武壬戌文貴遘難卒胡年三十收骨以葬誓死守節教子誼以學業爲諸帥守所重楊升嘗爲作傳知府王伯貞跋之

程氏南海衛前所鎮撫凱之女有容德頗涉書史年十八歸同官子賈岳未幾岳病劇屬程曰若少艾善事後人無念我也程曰必不辱君門戶

因齧指血灑地誓與同死岳卒含殮畢夜潛沐浴整衣自縊時洪武丁丑也事聞旌之學士解縉爲傳

陳氏適唐舟之子家居澹薄陳奉甘旨未嘗缺姑病危晝夜侍側廢寢食焚香祝天割股和藥以進人無知者姑食之病愈久乃覺人莫不歎其孝其子繼祖娶同邑敎諭馮源女名銀字汝白奉姑孝亦嘗割股療病云

畢氏南直太湖人年十五嫁南昌衛指揮屠經爲側室宣德初經累謫海南衛千戶病劇訣別畢誓同死經卒旣殮乃登堂辭母痛哭潛入室自

縊

張氏陳普恤妻年二十八而寡孀居六十年壽八十餘而終正統己未旌

韓氏海南衛後所王勇妻宏之母年二十九守節撫孤成立壽八十餘成化丁亥旌

李氏邱傳妻澄邁李易周女文莊公濬之母也年二十二寡矢志無二撫育幼子母兼父道天順辛巳旌後以濬貴封一品夫人

莫氏周宣妻年二十而寡毀容守節摘髮垂盡及老人呼爲髡婦正統間縣以上聞

耿氏歸金用和未三月金渡河遇颶訛言溺死耿

聞卽自經氣絕而金適歸有名醫徐美救之甦
耿性慧閒談論古今咸有典據金或不知也及
金罹禍耿避難役得而舁之耿曰昔王凝之妻
爲逆旅主人所持卽斷其臂今吾以目視惡人
可乎不如死之爲愈也卽瞑目不食數日役懼
舁還其家尋卒

吳氏前所舁女生員王鑾妻年二十六寡子宗源
甫四齡矢節事親教子有義方長領鄉薦成績
學宏治乙卯詔表其宅張詡爲之作銘

韓氏太學生邱敦妻文昌韓繼芳女年二十四敦
赴京入國學卒韓與側室徐氏守節終身

吳義姑俊之妹適辛卯舉人李明明卒吳年二十四無子歸母家撫孤姪誠如子教育成名領正德己卯鄉薦卒誠喪之三年

田氏前所生員鍾秀妻年二十九寡無子奉親孝爲鄉里所稱正德戊寅郡守上其節年八十餘終

韓氏陳菊芳妻年十九孀居苦節父母窺其貧窘倍與資奩令改適韓痛哭撫孤自矢父母誘之歸至門而返移居夫墓傍旦夕泣掃至老不移孝廉張學顏稱其完節以比共姜云

岑氏指揮王守臣妻夫蚤喪授子秩以學長襲父

職通詩律同知陳夢雷請建坊旌之

謝氏庠生海瀚妻年二十八寡子忠介公瑞甫四
歲家計蕭條謝矢志鞠育口授孝經學庸諸書
長就外傳少有戲謔必嚴辭訓飭之後瑞領鄉
薦官至右都御史以氣節名天下謝之教也府
道欲請旌當路有與瑞左者遂沮其事瑞繼室
邱氏年十四歸瑞事姑孝二十八而寡撫孤孫
延嗣

韓氏謝應昇妻居文昌紡績爲生年二十爲海賊
曾一本擄去時抱男乙常在手俄見母陳氏亦
被擄韓乃給賊曰若放我母與子歸當從汝賊

信而釋之韓度母子去遁遂投海死數日其兄
夢韓執蓋行海濱因至其地求之果得屍於破
傘下面色如生乃收葬焉

陳氏知陸川縣張子翼妻隨子翼任嘉靖甲子翼
入省聞有猺賊數千劫庫擄陳爲質云順我則
生否則死陳大罵賊怒刃死三日顏色不變子
翼歸爲營葬於陸川官旌之立祠春秋致祭後
以子紹初官贈安人

唐氏郡庠生陳瑀妻年二十六孀守郡守周思久
旌其門

陳氏儒士潘穰妻穰嘗試卒陳年二十家計蕭條

五州府志 卷三
翁耄子之楫尙幼上供甘旨下撫遺孤辟纁佐
讀當路獎之御史王某周以帛米賜之田提學
胡某請建坊旌表

馮氏上東岸王演武妻年十八夫故無嗣苦志守
節撫姪承祧兩院爲請旌表

王氏舉人張玉妻涉書史年二十適玉逾六載玉
應會試卒於道訃聞哀毀欲絕或勸之再醮王
曰石爛海枯吾志不可移也織紡教子年六十
二卒

唐氏海南衛王宗義妻遭繼母次弟讒妬借棲外
家猶勤問視年二十四寡撫孤成立屢經家難

冰霜益勵題奉旌獎壽七十餘終

林氏邑庠生陳鉞妻侍翁姑以孝聞年二十九鉞卒欲殉之或勸曰孤未成立也乃孀居課子宗濂宗濬膺鄉薦宗洙宗泗遊太學人稱賢母

林氏生員陳輔妻年二十寡紡績撫孤遭海寇許瑞焚掠延燒其家林冒火僱人救出夫棺與家人避賊渡河舟溺又奮命援其妹得俱免人稱天佑守貞課子壽七十八

林氏儒士陳鑒妻

通志作陳輦

年二十八寡母憫其貧

勸以他適林刺臂自誓姑病焚香虔禱願減己算益親壽教子紹文遊泮

馮氏生員張希曾妻年二十夫死剪髮入殮誓不再醮撫嗣子敏以義方孀居五十餘載人無間言

方氏庠生岑冕妻年十五歸岑甫三載岑卒撫子天又撫遺孫稍長亦亡更攜二曾孫相依壽八十七終

邱氏女貢生邱崢之女性至孝以父無嗣不肯字人隨父任廣西思恩縣訓導父歿女爲殯殮扶櫬而歸卒於徐聞年三十八有司旌之曰孝女垂芳

黃氏郡庠生唐敦妻年二十而寡矢志守節孝事

翁姑教育嗣子長登仕籍壽八十有六

朱氏海南衛陶懋妻左所百戶朱燦之姊年三十而寡生遺腹子鈺撫育成立食貧守節閨門肅然

周氏生員潘積妻年十八歸潘越三年而寡孝事舅姑撫訓遺子成立與潘孝廉之緝母時稱雙節云

鄧氏謝有馮妻年十九生男甫一月夫亡苦節孀居紡績自給年六十餘卒

胡氏方伯濂女年十六歸進士張世衡世衡卒於京邸胡年二十八守節嘉靖壬辰旌子穀娶鍾

氏侍耶芳女年二十寡嘉靖丁巳旌

陶氏海南衛許撫謙妻隆慶六年倭陷海口被執
不辱死

陶金孃舜卿女年十六賊陷海口獲女美其色欲
汚之唾賊大罵以死自誓竟遇害

張氏唐世興妻隆慶六年倭賊攻海口入村傷其
父興持梃救父爲賊所殺張年二十七食貧婦
守孤苦零丁四十八年如一日人謂夫孝婦節
世所罕有

張氏乙酉亞魁王伯霖妻年二十九寡食貧守節
詔旌其門郡守王可大銘其墓